

UNIBERTSITATEA. Bi errektoreen jarrera salatu du gazte erakundeak



RAUL BOGAJO / ARGAZKI PRESS

Ikasle Abertzaleak-eko kideak atzo Iruñean egindako agerraldian.

NUPeko eta EHUko ikasleek bozetako boikoterako deia ongi ulertu dutela dio IAK

Hauteskundeak «balorazio positiboa» egin du erakundeak

Erredakzioa | IRUÑEA

Ikasle Abertzaleak erakundeak (IA) «balorazio positiboa» egin du, NUP Nafarroako Unibertsitate Publikoan eta EHU Euskal Herriko Unibertsitatean egin berri diren klaustorako hauteskundeak inguruan. Hain zuzen ere, «debatea geure parametroetan kokatu dugulako». IAK atzo Iruñean egindako agerraldian adierazi zuenez, «debate hori ez da egon klaustroan zer egin edota nola jokatu, baizik eta aurkeztu edo ez aurkeztu».

Eztabaida LOUa ez onartu, edo «inposizioa onartu eta klaustroan egingo diren estatutuetan hitza edukitzen saiatzea» zen, IArek iritziz. Klaus-

troan hitza edukitzea baina, «zaila eta ia ezinezkoa» zen gazte erakundearen arabera, «ikasleok %20 baino gutxiago ordezkatzeko dugun gune batean, eta katedradunak EHU %51 eta NUPen %54 kontrolatzen dutenean». Horregatik, hauteskundeak boikotatu egitea planteatu zuen erakundeak.

Errektoretzen jarrera

Balorazioa, beraz, «positiboa dela diogu, eztabaida pizteaz gain, irabazi dugulako: ikasleek gure mezua ulertu dute», hain zuzen ere, EHU ikasleek %7,5ek bozkatu zuten eta NUPen %16,77k, aurreko klaustorako hauteskundeetan baino %9 gutxiagok.

Horrekin batera, «EHU eta NUPek klaustroa osatuko duten arren, ez dute estatutuak egiteko ikasleekin hitzarekin kontaktatzen», gaineratu zuten erakundeko kideek.

IAk, bestalde, bi unibertsitateetako errektoretzen jarrera salatu zuen. NUPen polizia armatuak ikusi ahal izan zirela deitoratu zuen gazte erakundeak, «gainera errektoreak berak onartu zuen IArek aurka jarrita zeudela». EHU aldiz, errektoreak, Unibertsitate Legearen aurkako manifestazioetan izan arren, «LOU ezartzeak hauteskundeak deitu zituen».

Bestalde, euskal unibertsitate baten alde lanean jarraituko duela esan zuten IAKo kideek.

ITOITZ. 1997ko epaiak indarrean jarraituko du

Auzitegi Gorenak ez du Itoizko epaia berrikusiko

Erredakzioa | IRUÑEA

Espainiako Auzitegi Gorenak atzera bota du 1997ko epaian segurtasunari buruzko txostena kontuan hartzeko Itoizko Koordinakundeak egin helegitea. Epai hartan urtegiaren neurriak mugatzea onartu zuen Gorenak.

Koordinakundeak urtegi-ko segurtasunari buruz 1989an egin zen txostena kontuan hartzea nahi zuen. Txostenean esaten denez, Itoizko ezker hegalean lur mugimenduak gertatzeko arriskua dago, baina idatzia ez zen urtegia eraikitzeke baiezko erabakian aintzat hartu.

Auzitegi Gorenak arrazoi-tu duenez, Auzitegi Nazionalan egin zen Itoizko urtegiaren prozesuan ez zen segurtasunari buruz eztabaidatu. Gainera, errekurtsioa txostena lortu eta hiru hilabetetara

aurkeztu zen, eta beraz lekuz kanpo dago. Koordinakundeak epaia berrikusteko proposamena 1999ko abuztuan aurkeztu zuen, txostenaren berri izan eta gero. Azterlana Intecsa enpresak egin zuen, urtegiaren proiektu teknikoa amaitu zuen enpresa berdina, hain zuzen ere.

«Arazoa konpontzeko aukera galdu da»

Itoizko Koordinakundeak esan duenez, Auzitegi Gorenak Itoizko urtegiaren arazoa irtenbidea aurkitzeko «aukera galdu du». Era berean, txostenaren edukia buruz Auzitegiak iritzirik ez ematea kritikatu du, «horrela konponbidea zailtzen duela».

Bestalde, ekintza judizial berriak iragarri ditu, txostenean agertzen diren «segurtasun arazoak» kontuan har daitezkeen.

EPAIKETA. Aita eta amaginarreba hil zituen

Bizi guztirako zigor dezakete Lehuntzeko gaztea

Erredakzioa | BAIONA

Atzo abiatu zen Baionan Andre Bour Lehuntzeko 22 urteko gaztearen epaiketa Asisietako Auzitegian. Bourrek 1999ko agorrilean aita eta amaginarreba hil zituen tiroz.

Epaileari erantzunez, Bourrek onartu zuen aita eta amaginarreba hiltzea. «Badaikit amaginarrebak eta biok eztabaida bortitza izan genuela, ez dakit zergatik, eta gelatik oihuka atera zelarik nire senetik atera nintzen eta tiro bat jo nion buruan», adierazi zuen Lehuntzeko gazteak.

Aita etxera itzuli zelarik la-

netik, semeak tiroz akatu zuen bazkaldu ondoren.

«Ez dakit zer gertatu zen, dena lausoa dut, sobera droga hartu nuen eta ez dut gertakizunen oroitzapen zehatzik», adierazi zuen gazteak.

Andre Bourrek arazo latzak ditu drogekin. Izan ere, gazte-gaztetik hartzen zituen cocaina, L.S.D. pilulak eta anfetaminak. Bi hilketak egin ondoren, Bour Irunera joan zen droga gehiago erostera. Frantziako Poliziak hiru egun berantago atxilotu zuen, etxera itzuli zelarik. Epaiketa asteazkenean bururatuko da. Epaileak asteazkenean eman beharko luke ebazpena.

EUSKO JAURLARITZA

GOBIERNO VASCO

ETXEBIZITZA ETA GIZARTE
GAIETAKO SAILA

DEPARTAMENTO DE VIVIENDA
Y ASUNTOS SOCIALES

IRAGARKIA

2002ko maiatzaren 30ean etxebizitza-esleipendunak hautatzeko zozketa egingo da honako sustapenetan:

- **Erandio. 50 gizarte-etxebizitza. Altzaga auzoan.**
- **Erandio. Babes ofizialeko 56 etxebizitza. Altzaga auzoan.**

2002ko maiatzaren 30ean, osteguna, 11:00etan, ALTZAGA POLI-KIROLDEGIA, Asier San Sebastián 9 - 11, Erandio.



Orozkoko Udala

IRAGARKIA

2002ko maiatzaren 22ko Alkatetza Dekretuaren bidez, eta Hirigintza Kudeaketa Araudia onartzen dauden abuztuaren 25eko 3288/1978 Errege Dekretuaren 75. artikuluan eta hurrengoetan; eta era berean, Etxebizitzaren arloko Presazio Neurriak eta Hirigintza Plangintzako zein Kudeaketako Tresnak Izapidetzako Neurriak Zehazteari buruzko Ekainaren 30eko 7/94 Legearen 9gn atalean eta apirilaren 2ko 7/1985 Legearen 21.1 j) artikuluan ezarritakoak bat etorritik, Zabalde I-2 Industri Alderdiko Birparzelaketa Egitasmoa hasieraz onartzea ebatzi zan eta 15 egunetako epe baten publikoki argitaratzea ebatzi haur; guzti hau, ukiturik kontsideratzen diren pertsona guztiak egokitzat jotzen dabezan alegazioak epe honetan aurkeztu ahal izateko.

Orozko, 2002ko maiatzaren 23an. ALKATEAK.



Orozkoko Udala

IRAGARKIA

Orozkoko Udalteak, 2002-5-23an egindako Plenoan bere kideen gehiengo osoak, Bizkaiko Foru Aldundiko Hirigintza Sailak abenduaren 21eko 817/2001 Foru Aginduan eskatutako Orozkoko Udalerriko Arau Ordezkoen II. Berrikuspenari dagozkian Aldaketak hasieraz onartu ebazan. Guzti hau, Zoru Erregimen eta hiri Antolaketari buruzko Legea onartzen dauden apirilaren 9ko 1.346/1976 Errege Dekretuaren 27. eta 40. eta hurrengo artikuluetan eta Planeamentuko Araudia onartzen dauden ekainaren 23ko 2.159/1978 Errege Dekretuaren 157. eta 127. eta hurrengo artikuluetan ezarritakoak bat etorritik, hilabete bateko epe baten publikoki argitaraturik egongo da, interesaturik dagoan edozein pertsonak egokitzat jotzen dabezan alegazioak aurkeztu ahal izateko.

Orozko, 2002ko maiatzaren 23an. ALKATEAK.



Berrizko Elizateko Udala

IRAGARKIA

Berrizko Udalbatzarrik, 2002ko maiatzaren 16an ospatutako Ez-Ohiko Osoko Bilkuran, zinegotzik baiezkoa eman zuten aho batez.

1. URRIKOATXA, S.L. Udalteke honetan aurkeztutako, UE-8ko Konpentsazio Proiektua behin behineko onartzea, Berrizko Udalaren Arkitekto Aholkulariak egindako txostenean oinarrituz.

2. Erabaki hau «Bizkaiko Aldizkari Ofizial» ean argitaratu eta 15 eguneko epean jendaurrean, behar diren iradokizunak aurkeztu ahal izateko.

3. Epe horretan iradokizunak aurkeztuko ez baldiz, Konpentsazio Proiektu hau behin betikoki onartua geldituko da».

Berriz, 2002ko maiatzaren 17an.
Rosa M^o Ostogain Echeberria Alkate andrea.